

ጳውሎሲ ቆርንቶሳ አሳሰ ፃፊዳ ናሞዓንሶ ኪታ ጋሳ ቆፋ

ጳውሎሲ ቆርንቶሳ አሳሰ ፃፊዳ ናሞዓንሶ ኪታይ ፃፊቲዳይ፣ ኢያው ቆርንቶሳ ዋሳ ከላራ ዳዒያ ጋሄቴላይ ዳሮ ሜቶ ጊዶ ጌሊዲ ዳዒያ ዋዳና። ኢሲ ኢሲ ዋሳ ከላ አሳቲ ጳውሎሳ ኢታ ቦሬ ቦሪኮካ ጳውሎሲ ሲጋ ሜዳናው ኢያው አሞይ ዳዒይሳ ቤሲሰ። ሄሲ ሃኒያ ዋዳ ጊታ ኡፋይሳ ኡፋይታናው ዳንዳዒይሳ ቆንጨሲሰ።

ጳውሎሲ ባ ኪታን ኮይሮ ከፊሊያን፣ ቆርንቶሳ ዋሳ ከላራ ኢያው ዳዒያ ጋሄቴላ ቆንጨሲዲ፣ ዋሳ ከላን ሜዴቲዳ ቦሪያሲኔ ኢፀዋሰ አይሰ ሚኖ ዛሮ ኢሚዳኮ ኦዳሰ። ሄሳራ ጋሊዲ ኢያ ሴራይ ኤንታ ናጋራፔ ዛሪዲ ሲጋን ጋሊዳ ጊሾ ኢ ኡፋይቲዳ ኡፋይሳ ኤንታው ቆንጨሲሰ። ካሊዲካ፣ ዪሁዳን ዳዒያ አማኒያ አሳ ማዳናው ባንታው ዳዒያባፔ ጮ አማና ሜላ ሃሳይሴሰ። ወርሴላ ሽምፖታን ጳውሎሲ ባ ሃዋሪቴላ ቦላ ዳንዲዳ ሞቱዋሰ ዛሮ ኢሜሰ። ጋሶይካ፣ ቆርንቶሳ ዋሳ ከላን ዳዒያ ኢሲ ኢሲ አሳቲ ባንታና፣ «ቱማ ሃዋሪ» ኦሊዲ፣ «ጳውሎሳ ዋርዳንቸ ሃዋሪ» ኦሊዲ ሞቶሶና።

2 ቆርንቶሳ ኪታ ኣይፌ ቆፋታ

ጌሎ ቆፋ 1:1-11

ጳውሎሳኔ ቆርንቶሳ ዋሳ ከላ 1:12-7:16

ዪሁዳን ዳዒያ አማኒያ አሳ ማዳ 8:1-9:15

ጳውሎሲ ባ ሃዋሪቴላ ማታሰ ኢሚዳ ዛሮ 10:1-13:10

ኩሻ ቆፋ 13:11-14

1 ያሳ ሽኔን ዬሱስ ኪሪሰቶሳ ሃዋሪ ጊዲዳ ጳውሎሲኔ፣ ኑ አሻ ፂሞቲዮሲ፣

ቆርንቶሳን ዳዒያ ያሳ ዋሳ ከላሲኔ ኣካያ ቢታን ዳዒያ ያሳ አሳ ኡባሰ ፃፊዳ ኪታ።

2 ያሳ ኑ አዋፔኔ ጎዳ ዬሱስ ኪሪሰቶሳፔ፣ ኣጼ ከሃቴላይኔ ሳርቴላይ ሂንቴው ጊዶ።

ጳውሎሲ ያሳ ጋላቴሰ

3 ማርቲሳ አዋስ፡ ኡባ ዎዴ ኑና ሚንጼሌያ ያሳሰ፡ ኑ ጎዳ ዬሱሲ ኪሪሰቶሳ አዋስ ጋላቲ ጊደ። 4 ያሳይ ኑስ ኢሚዳ ሚንጼሌቱን፡ ሚቶን ዴዔይሳታ ኑ ሚንጼላና ሚላ ያሳይ ኑና ኑ ሚቶ ኡባን ሚንጼሌሱ። 5 ኑኒ ኪሪሰቶሳ ዳሮ ዋያ ሻኬቲዳይሳዳ ቃሲ ኑኒ ኢያ ዳሮ ሚንጼሌቱን ሚናና። 6 ኑኒ ዋይቲኮ ሄሲ ሂንቴና ሚንጼላናሳኔ ሂንቴና አሻናሳ። ቃሲ ኑኒ ሚኔቲኮ ኑኒ ጌንጨዳ ዋያ ሚላ ሂንቴካ ጌንጨዳ፡ ያሳይ ሂንቴው አሚያ ሚንጼሌቱን ሚናና። 7 ሂንቴ ኑ ኤኪዳ ሚቱዋ ሚላ ኤኪዳ፡ ኑ ሚንጼሌቱን ሻኬታናይሳ ኑ ኤሪያ ጊሾ ኑ ኡፋይሳይ ሂንቴናን ሚና።

8 ኑ ኢሻቶ፡ ኢሲያ ቢታን ኑና ጋኪዳ ሚቱዋ ሂንቴ ኤሪና ሚላ ኮኖሰ። ሄ ኑና ጋኪዳ ሚቶይ ኑ ዋልቃፌ ዳሪን፡ ሃይቆና አቶኮ ጊደ ኡፋይሲ ቃንጂዳሺን። 9 ኑኒ ኑ ቦላ ሃይቆ ፐርዲ ፐርዴቲዳ ሚላ ቆፐዳ። ሺን ኑኒ ኑ ሁዔን ጊደናሺን፡ ሃይቁዳይሳታ ዴንጼያ ያሳን አማኔታና ሚላ ሄሲ ሃኒሰ። 10 ያሳይ ሄሳ ሚላ ኢታ ሃይቆፔ ኑና አሺሰ፤ ሃዒካ አሻና፤ ሲንሳፊካ ኢ ኑና አሻና ጊደ ኢያን ኡፋይሲ ዋሶሰ። 11 ዋሳን ኑና ማዲቲ፡ ዳሮ ዋሳ ጋሶን ያሳ ማዲቱ ኑ ዴሚያ ዎዴ ዳሮ አሳይ ኑ ጊሾ ያሳ ጋላቶሶና።

ጳውሎሲ ባናው ቆፐዳ ቆፋ ላሚሰ

12 ኑኒ ኑ ጌሻ ካሃን ጨቁቶሰ። ኑኒ ሃ አላሚያን ዴዒዳ ዴዐቱን ኡባራካ ኑ ዴዒዳ ዴዐቱን ቱማቲላኒኔ ሱሬቲላን ሂንቴራ ዴዒዳ። ሄሲካ፡ ሃ አላሚያ ጨንጫቲላን ጊደናሺን ያሳ አቶ ኬሃቲላና። 13 ኑ ሂንቴው ያፊዳ ዳብዳቤይ ሂንቴ ናባባናውኔ አኬካናው ዳንዳዒያባፔ አቲን ሃራ ጊደና። ሂንቴ ኢያ አኬካናው ዳንዳዒይሳ ታ አማናይሰ። 14 ሃዒ ሂንቴ ኑና ሃኒዳ ኬና ኤሪታ፡ ሺን ሲንሳፊ ኩሚላ ኤሪናይሳ ታ አማኔታይሰ። ኑ ጎዳ ዬሱሲ ሲሚያ ዎዴ ኑኒ ሂንቴናን ጨቁቲዳይሳዳ ሂንቴካ ኑናን ጨቁታና።

15 ሄሳ ታኒ ሎይላ ኤሪዳ ጊሾ ሂንቴ ናምዓንሉ ጎዔታና ሚላ ካሴታዳ ሂንቴኮ ባናው ቆፋ ቃቻሰ። 16 ታኒ ማቂደኒያ ባሺኔ ያፔ ሲማሼ ሂንቴና ቤዓና። ታኒ ያፔ ዪሁዳ ቢያ ዎዴ ሂንቴ ታና ታ ኦጊያን ማዳና ጋዳ ቆፐሰ። 17 ታኒ ሄሳ ጋሺ አይ ኦላናው ቤሲያኮ ኤሮና አሲ ዳናይና? ዎይኮ ታኒ ታ ቆፋ ቃቻያ ዎዴ አሳ ቆፋዳ፡ ኢሲ ቶሆ «ኤ» ቃሲ ኢሲ ቶሆ «አካይ» ጊያ አሳ ሚላይ?

18 ሺን ያሳይ አማኔቲይሳ ገዲያ ገሾ ኑ ሂንቴው ኦዲያ ቃላይ «ኤ» ወይኮ «አካይ» ጌይሳ ገዴና። 19 ታኒ፣ ሲላሴይኔ ፃሞተኖሲ ሂንቴው ማርካቲዳ ያሳ ናዓይ፣ ዩሱሶ ኪሪሰቶሲ ኡባ ዋዴ «ኤፔ» አቲን «ኤ» ኔ «አካይ» ገዴና። 20 ያሳይ አማና ገዲ ኡባይ ኪሪሰቶሳ ባጋራ «ኤ» ገዴሰ። ኑኒ ኪሪሰቶሳ ባጋራ ያሳ ቦንቸሰ፣ «አሚንዒ» ጌይ ሂሳ ገሾሳ። 21 ኑኔ ሂንቴ ኪሪሰቶሳን ሚኒዲ ኤቃና ሜላ ኦሲዲይኔ ባ ኦሱዋሰ ደሪዳይ ያሳ። 22 ኑኒ ኢያባ ገዴይሳ ኤሪሳናው ባ ማታሚያ ኑ ቦላ ዋሊሰ፤ ቃሲ ባ ጌሻ አያና ኦይሊ ኦሊዲ ኑ ዋዛናን ዋሊሰ።

23 ታኒ ቆርንቶሳ ቦና አገዳይ ሂንቴ አዛናና አታና ሜላሳ፤ ሄሲ ዋርዶ ገዲኮ ያሳይ ታ ሸምፑዋ ታፔ ኤኮ። 24 ሂንቴ፣ ሂንቴ አማኑዋን ሚኒዲ ዴዒያ ገሾ ኑ ሂንቴና ኡፋይሳናው ሂንቴራ ኢሲፌ ኦሌይሳታፔ አቲን ሂንቴና ዋልቃን አማንሌይሳታ ገደኮ።

2

1 ታኒ ናምዓንሉ ሂንቴኮ ቢኬ ጋዳ ቆፋ ቃቺዳይ ሂንቴና አዛንሉና አጋናሳ። 2 ታኒ ሂንቴና አዛንሊኮካ ታ አዛንሊዳ ሂንቴፌ ሃሪ ታና ኡፋይሳናው ዴዒይ ኦኔ? 3 ታኒ ሂንቴው ሄ ዲብዳቢያ ፃፊዳይ፣ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አሃናናው ኮኖና ገሾሳ። ታ ኡፋይቲያ ዋዴ ሂንቴ ኡባይካ ኡፋይታናይሳ ታ አማናይሰ። 4 ታኒ ዳር ዋዴኒኔ ኡንዓን ቃሲ ዳር አፋላን ፃፊዳይ፣ ሂንቴና አዛንላናሳ ገደናሺን ታኒ ሂንቴና ኡባ አይ ሜላ ደሲያኮ ሂንቴና ኤሪሳና ሜላሳ።

ቆሃዳይሳ ማርባ

5 አሴ አዛንሊዳ ኦኒካ ዴዒኮ ታ ኢያ ባላ ዳርሳናው ኮዩኬፌ አቲን ታና ገደናሺን ሂንቴፌ ዳርታ አዛንሊሰ። 6 ሂንቴፌ ዳሪያ አሳይ ሄ ኡራ ሴሪዳ ሴሪይ ኢያው ገደና። 7 ሂሳ ገሾ፣ ሄ ኡራይ ዳር አዛኒዲ፣ ኡፋይሲ ቃንያና ሜላ ሂንቴ ኢያ ማራናውኔ ሚንሌላናው ቤሴሰ። 8 ሂንቴ ኢያ ሲቄይሳ ዛሪ ኢያው ቆንጨሳና ሜላ ታ ሂንቴና ዋሳይሰ። 9 ታ ሄ ዲብዳቢያ ሂንቴው ፃፊዳይ፣ ሂንቴ ፓጩቲዲ፣ ኡባባን ታው ኪቴቲይሳ ኤሪናው ኮዩዳ ገሾሳ። 10 ሂንቴ ማሪያ ኡራ ታካ ማራና። ታኒ ማራናባይ አይቢ ዴዒኮካ፣ ኪሪሰቶሳ ሲንላን ሂንቴ ገሾ ጋዳ ማራሰ። 11 ታኒ ሄሳ ኦሊዳይ ፃላሂያ ጨዋ ኦሱዋ ኑ ኤሪያ ገሾ ፃላሂን ጨሜቶና አታና ሜላሳ።

1:19 ሃ.ኦ 18:5

ዲርዳዳን ጳውሎሳ ኡንዔቴላ

12 ታኒ ኪሪሰቶሳ ዋንጌላ ሳባካናው ዲርዳዳ ቢዳ ዋዴ ጎዳይ ያን ታው ኦሶ ኦጌ ገገሲዲ ዋሊሰ። 13 ሺን ታኒ ታ ኢሻ ቲቶ ያን ዴማቦና ገሾ ታ ዋዛናይ ሹምፕቤና። ሄሳ ገሾ፣ ያን ዴዒያ ኣሳ ሳርሳዳ ኢያ ኮያናው ማቄደኒያ ባሰ።

14 ሺን ኪሪሰቶሳ ባጋራ ኡባ ዋዴ ኑና ያኖን ካሌሊያይ ሺቶ ማላ ሳዊያ ኪሪሰቶሳባ ኑ ኤሪያ ቲሚርቲያ ኡባ ቤሲ ጋላና ማላ ኦሊያ ያሳ ጋላቲ ጋኮ። 15 ኑኒ ኣቲያ ኣሳ ገደኒኔ ጳያ ኣሳ ገደን ኪሪሰቶሳ ባጋራ ያሳሰ ኢሜቲዳ ሳዊያ ሺቶ ማላ። 16 ጳያ ኣሳሰ ሃይቆኮ ኤፊያ ሃይቆ ፔና፤ ቃሲ ኣቲያ ኣሳሰ ዴዎኮ ኤፊያ ዴዎ ሳዎ፤ ያቲን፣ ሄሳ ማላ ኦሱዋሰ ገደናይ ኦኔ? 17 ኑኒ ያሳ ቃላ ዋዴ ዴማናው ኮዬዲ ዋላኪዲ ዛልዒያ ዳር ኣሳ ማላ ገደኮ። ሺን ያሳይ ከቲዳ ሱሬ ኣሳታ ማላ ኪሪሰቶሳን ዴዒዲ ያሳ ሲንላን ቃላ ኦደሰ።

3

ኦራላ ጫቁዋ ኦሳንቸታ

1 ኑኒ ዛሪዲ ኑና ሳቢኖዬ? ዋይኮ ሃራ ኣሳዳ፣ ሳባ ዳብዳቢያ ሂንቴው ዬዳናው ዋይኮ ሂንቴፌ ኤካናው ኑና ኮሺዬ? 2 ኣሲ ኡባይ ሂንቴና ኤራና ማላኔ ናባባና ማላ ሂንቴ ኑ ዋዛናን ፃፊቲዲ ዴዒያ ኑ ዳብዳቤ። 3 ሂንቴ ቃላሜን ገደናሺን ዴዎ ያሳ ኣያናን፣ ሹቻ ቦላ ገደናሺን ኣሳ ዋዛናን ፃፊቲዳይሳታኔ ኑናን ሃጋዜቲዳ ኪሪሰቶሳ ዳብዳቤ ገዴይሳ ቤሲዴታ።

4 ኑ ሄሳ ገደይ፣ ኪሪሰቶሳ ባጋራ ያሳን ኣማናይ ኑሰ ዴዒያ ገሾሳ። 5 ኑ ሄሳ ኦላናው ዳንዳዒዳይ ያሳ ዋልቃናፔ ኣቲን ኑኒ ኑ ዋልቃን ኣይኮካ ኦላናው ዳንዳዎኮ። 6 ኑ ኦራላ ጫቁዋ ኦሳንቸታ ገደና ማላ ያሳይ ኑና ዳንዳዒሲሰ። ሄ ኦራላ ጫቆይ ጌሻ ኣያናን ቤንቲዳይሳፌ ኣቲን ፃፊቲዳ ሂጌን ገደና። ሂጌይ ዋዴሰ። ሺን ጌሻ ኣያናይ ዴዎ ኢሜሰ።

7 ሹቻ ቦላ ፃፊቲዳ ሂጌይ ኢሜቲያ ዋዴ ያሳ ቦንቸይ ቆንጨሰ። ሙሴ ሶምዑዋን ዴዒያ ቦንቸይ ጳዩሺ ቢያባ ገዲኮካ፣ ኢሲራዔሌ ኣሳይ ኢያ ሶምዑዋ ቲሺ ኦሊዲ ያላናው ዳንዳዒቦኮና። ሂዛ፣ ሃይቆ ኤሂያ ሂጌይ ሄሳ ማላ ቦንቸን ቆንጨኮ፣ 8 ያቲን፣ ጌሻ ኣያናን ኦሴቲያ ኦሱዋ ቦንቸይ ዋኒዲ

2:12 ሃ.አ 20:1 3:3 ከሳ 24:12፤ ኤር 31:33፤ ሃዝ 11:19፤ 36:26 3:6 ኤር 31:31 3:7 ከሳ 34:29

አዴኔ? 9 እሳ ቦላ ፒርዳ ኤሂያ ሂጌይ ቦንቾ ገዲኮ ያተን፤ እሴ ዪሊሲያ ኦራፋ ኦጌይ ዋኒዲ አዲዲ ቦንቾቴኔ? 10 ካሴ ቦንቾ ገዲዳይሳ ሃዲ አዲያ ቦንቾይ ዴዴይሳራ ጋሊ ቤዲያ ዋዴ ቦንቾይ ባይናባ ገዲሰ። 11 ጉፋ ዋዴሰ ቆንጨዲ ጉዬፔ ዳይዳይሲ ሃይሳዳ ቦንቾቴኮ፤ ማሪናው ዴዴይሲ ዋኒዲ አዲዲ ቦንቾቴኔ?

12 ኮሰ ሃይሳ ማላ ኡፋይሳይ ዴዲያ ገሾ ዩላቶና ኦዴቶሰ። 13 ኮኒ፣ ኢሰራዴሌ እሳይ ዳዩሼ ቢያ ቦንቾዋ ዉርሴፋ ቤያና ማላ ባ ሰምዑ-ዋ ካሚዳ ሙሴ ማላ ገደኮ። 14 ሺን ኤንታ ዋዛናይ ደጨሰ። ሃቺ ጋካናው ኤንቲ ጋልዓ ጨቁዋ ናባቢያ ዋዴ ኤንታ ዋዛናይ ሄ ካማን ካሜቲ ዴዴሰ። ሄ ካማይ ኪሪሰቶሳ ፃላላን ቃሪቴሰ። 15 ሺን ሃቺ ጋካናውካ ኤንቲ ሙሴ ማፃፋ ናባቢያ ዋዴ ኡባን ሄ ካማይ ኤንታ ዋዛና ካሜሰ። 16 ሺን ኦኒካ ጎዳኮ ሲሚያ ዋዴ እዉዴካ ሄ ካማይ ቃሪቴሰ። 17 ጎዳይ ኢያና፤ ጎዳ ኢያናይ ዴዲያ ቤሳን ላዓቴሊ ዴዴሰ። 18 ኮኒ ኡባይ ካሜቲቦና ሰምዖን ጎዳ ቦንቾዋ ቤዓና። * ኮኒ ኢያና ገዲዳ ጎዳ ማላ ዳናናው ቦንቾፌ ቦንቾን ላሚታና።

4

ቱማ ሃዋሪቴፋ ኦሱዋ

1 ሂዛ፣ ያሳይ ባ ማሮቴፋን ሃ ኦሱዋ ኮሰ ኢሚዳ ገሾ ኮኒ ኡፋይሲ ቃንዖኮ። 2 ኮኒ ዩላያ ጌማ ኦሶ ኡባ አገዳ፤ ጌኔ ኦሶ ኦሶኮ፤ ያሳ ቃላ ዋርደራ ዋላኮኮ። ቱማ ቆንጨኹን ሃሳዩሼ፣ እሳ ኡባ ካሃይ ኦና ኤካና ማላ ያሳ ሲንፋን ኦና ሺሾሰ።

3 ኮ ኡዲያ ዋንጌላይ ጌሚዳባ ገዲኮካ፣ ጌሚዳይ ዳዮ ኦጌን ዴዲያ አሳሳ። 4 ሃ አላሚያ ሃሪያ ያሳይ አማኖና አሳ ዋዛና ጎዚሰ። ኤንቲ ያሳ ማላን ቆንጨዳ ኪሪሰቶሳ ቦንቾ ዋንጌላ ፖዑዋ ቤያና ማላ ዲገሰ። 5 ኮኒ፣ ዩሴሰ ኪሪሰቶሲ ጎዳ ገዴይሳኔ ኮ ኢያ ገሾ ሂንቴ ኦሳንቾ ገዴይሳ ኦደሲፔ ኦቴን ኦባ ኦደኮ። 6 «ዳማን ፖያይ ፖያ» ገዳ ያሳይ፣ ኪሪሰቶሳ ሰምዑ-ዋን ፖዲያ ያሳ ቦንቾዋ ኤራ ፖዑዋ ኢማናው ባ ፖዑዋ ኮ ዋዛናን ፖዲሲሰ።

3:13 ኬሳ 34:33 3:16 ኬሳ 34:34 * 3:18 ቤዓና፣ ማሰቶቴዳ ዛሪዲ ጸሊሳና ጌቴቲ ቢርሺታናው ዳንዳዴሰ። 4:6 ሜዴ 1:3

7 ሺን ኡባፌ አዲያ ዎልቃይ ኑባ ጊደናሺን ጆሳባ ጊዳይሳ ቤሳናው ሃ ቦንቸ ሻሎይ ሜቃ ሚሼ * ጊዳዳ ኑ አሳቴላን ዴዔስ።

8 ኑ ኡባ ባጋራካ ዎዩቲዳ፣ ሺን ሜቄሬቲቦኮ። ኑስ ሃዲርሲ ጊዳዳ፣ ሺን ኡፋይሲ ቃንጂቦኮ። 9 ኑ፣ ዎርኬታን ጎዴቲዳ፣ ሺን ላጌ ዳዩቦኮ። ኑ ዎርኬታን ሾጩቲዲ ኩንዲዳ፣ ሺን ዳዩቦኮ። 10 ዩሱሳ ዴጆይ ኑ አሳቴላን ቆንጫና ሜላ ኢያ ሃይቁዎ ኡባ ዎዴ ኑ አሳቴላን ቶኪዲ ዩኖስ። 11 ዩሱሳ ዴጆይ ሃይቁያ ኑ አሳቴላን ቆንጫና ሜላ ፓፃ ዴዒያ ኑ ኢያ ጊሾ ኡባ ዎዴ ሃይቆስ አዲዲ ኢሜቶስ። 12 ሂዛ፣ ሃይቆይ ኑናን ኦሊያ ዎዴ ዴጆይ ሂንቴናን ኦሌስ።

13 ጌሻ ማፃፋን፣ «ታ አማናስ፤ ሄሳ ጊሾ ሃሳጎስ» ያጌቲስ። ሄሳ ሜላ አማናይ ኑስ ዴዒያ ጊሾ ሃሳኖስ። 14 ጎዳ ዩሱሳ ሃይቆፔ ዴንሊዳ ጆሳይ፣ ኑናካ ዩሱሳራ ሃይቆፔ ዴንሳናይሳኔ ሂንቴራ ኢሲፌ ባ ሲንሌ ሺሻናይሳ ኤሮስ። 15 ሄሲ ኡባይ ሃኒዳይ ሂንቴ ጊሾሳ። ጆሳ አዶ ኬሃቴላይ ዳሮ አሳ ጋኪያ ዎዴ አሳይ ጆሳ ቦንቸዎስ ዳሮ ጋላታ ኢማና።

አማናን ዴጆ

16 ሄሳ ጊሾ፣ ኑ ኡፋይሲ ቃንጆኮ። ኑ ቤንቲያ አሳቴላይ ዳቡሪሼ ቢያባ ጊዲኮካ፣ ኑ አያና አሳቴላይ ጋላስ ጋላስ ኦራጃስ። 17 ሃዒስ ኑ ዎዩቲያ ሃ ካዉሻ ዎዩይ፣ ኡባፌ ኬሂ ጌታቲያ ሜሪና ቦንቸዎ ኑስ ኢሚሳና። 18 ኑ ቤንቲያባ ጊደናሺን ቤንቶናባ ጃሎስ። ቤንቲያባይ ሃዒሳ፣ ሺን ቤንቶናባይ ሜሪናሳ።

5

1 ሃዒ ኑ ዴዒያ ዲንካኔ ዳኒያ ሃ ሳዓ አሳቴላይ ላሌቲኮካ፣ አሲ ከጂቦና፣ ጆሳይ ኬጂዳ ሜሪና ኬላይ ኑስ ሳሎን ዴዔይሳ ኤሮስ። 2 ሳሎ አሳቴላ ማዓናው አሞቲሼ ሃዒ ሃ ሳዓን ዴዒሼ ኦሎስ። 3 ኑ ሄሳ ማዒያ ዎዴ ካሎቶኮ። 4 ዲንካኔ ዳኒያ ሃ ሳዓ አሳቴላን ኑ ዴዒሼ ዴፃቲዲ ኦሎስ። ሃይቁያ ኑ አሳቴላይ ዴጆን ላሜታና ሜላ ሳሎ አሳቴላ ማዓናው ኮኖሲፔ አቲን አሹዋፔ ሻኬታናው ኮዩዲ ጊደና። 5 ኑና ሃይሳሰ ጊጊሲዳይ ጆሳ። ቃሲ ሲንሳፌ ያናባስ ኦይሌ ኦሊዲ ባ አያና ኑስ ኢሚስ።

* 4:7 ሜቃ ሚሼ፣ ሃ ቤሳን ሜቃ ሚሼ ጌቲቲዳይ ቢታፌ ኦስቲዳ ሚሼታ ቤሳናሳ - ኦቶ፣ ሻቴ፣ ቤሼ... 4:13 ማዝ 116:10

6 ሃሳ ጊሾ፣ ኩሊ ሃ ሳባ አሳቴላን ዳዒያ ዎዴ ኡባን ጎዳፔ ሃኪዲ ዳዒያሳ ኤሪኮካ ኡባ ዎዴ አማኔቲዲ ዳዖሰ። 7 ኩሊ ዳዒያሳ አማኖናፔ አቲን ቤዒያባን ጊዳና። 8 ኩሊ ሃ ሳባ አሳቴላፌ ሻኬቲዲ፣ ኩሊ ቢዲ ጎዳፊ ኢሲፌ ዳናው አሞቲያ ጊሾ አማኔቲዲ ዳዖሰ። 9 ሃሳ ጊሾ፣ ኩሊ ሃ አሳቴላን ዳዒያ ዎይኮ ሃ አሳቴላፌ ሻኬቲን፣ ኩሊ አሞይ ኢያ ኡፋይሳናይሳ። 10 ኩሊ ኢሶይ ኢሶይ ሃ ሳባን ዳዒያሳ ሎዖ ጊዲን ዎይኮ ኢታ ጊዲን፣ ኦሊዳ ኦሎዎሰ ቤሲያ ፐርዳ ኤካናው ኪሪሰቶሳ ፐርዳ አራታ ሲንላን ሺቃና።

አሴ ያሳራ ሲጌሉ

11 ሃዛ፣ ኩሊ ጎዳ ቦንቹይሲ አይ ጉሴኮ ኤሪያ ጊሾ አሳይ ኩሊ ኦይሳ ኤካና ማላ ዞርሰ። ያሳይ፣ ኩሊ ኦኔኮ ኩሊ ኤሪሰ፤ ቃሲ ሂንቲካ ሂንቲ ካሃን ኩሊ ኦኔኮ ኤሪታ ያጋዳ ቆፓይሰ። 12 ዎዛናን ጊዳናሺን ማላን ጨቁቲያ አሳ ዳና ኦይሳናው ሂንቲ ኩሊን ጨቁታና ማላ ሂንቲው ጋሶ ጊዳናው ኮኖሲፔ አቲን ኩሊ ኩሊ ዛሪዲ ናሻናው ኮኖኮ። 13 ኩሊ ጎሺ ጊዲኮ ያሳ ቦንቹሳ፤ ዎዛናን ጊዲኮ ሂንቲሳ። 14 ኢሶይ ኡባሰ ሃይቁዳይሳኔ ኡባይ ቃሲ ኢያራ ሃይቁዳይሳ ኩሊ ኤሪያ ጊሾ ኪሪሰቶሳ ሲቆይ ኩሊ ሃሪሰ። 15 ዳዖን ዳዒያሳቲ ሃዛፔ ጉዬ ባንታው ጊዳናሺን ኤንታው ሃይቁዳይሳሲኔ ሃይቆፔ ዳንዲዳይሳሰ ዳና ማላ ኪሪሰቶሲ አሳ ኡባ ጊሾ ሃይቁሰ።

16 ሃዛፔ ጉዬ፣ ኩሊ ኦካና አሳ ቆፋን ፐርዶኮ። ሃይሳፌ ካሴ ኩሊ ኪሪሰቶሳካ አሳ ቆፋን ፐርዲዳባ ጊዲኮካ፣ ሃዛፔ ሃሳዳ ፐርዶኮ። 17 ሃሳ ጊሾ፣ ኦኪካ ኪሪሰቶሳን ዳዒኮ ኦራላ ማዴቲላ፤ ጋልዓ ማዴቲላይ አዲሰ፤ ኡባይካ ኦራላ ጊዲሰ። 18 ሃሳ ኡባ ያሳይ ኦሊሰ። ኢ ኪሪሰቶሳ ባጋራ ኩሊ ባራ ሲጌላሰ። ቃሲ ሃራታ ባራ ሲጌላና ማላ ኩሊ ሲጌሉ ኦሶ አሚሰ። 19 ያሳይ ኪሪሰቶሳ ባጋራ አሳ ኡባ ባራ ሲጌላሰ። ኤንታ ናጋራ ታይቢቤና፤ ቃሲ አሳ ባራ ሲጌላያ ቃላ ኩሊ አሚሰ።

20 ያሳይ አሳ ኩሊ ባጋራ ፀጊያ ጊሾ ኩሊ ኪሪሰቶሳን ከቲቲዲ አሳ ያሳራ ሲጌቲቲ ጊዲ ኪሪሰቶሳ ጊሾ ዎሶሰ። 21 ኩሊ ያሳ ዒሎቲላ ኪሪሰቶሳ ባጋራ ኤካና ማላ፣ ናጋራ ኤርና ኪሪሰቶሳ ኩሊ ጊሾ ናጋራንቹ አሳዳ ኦሊሰ።*

5:10 ሮሜ 14:10 * 5:21 ናጋራንቹ አሳዳ፣ ናጋራ ያርሾ ኦሊሰ።

6

1 ኑኒ ያሳራ ኢሲፌ ኦሌያ ኣሲ ጊዳይሳዳ፣ ሂንቲ ኤኪዳ ኣቶ ኬሃቲላ ሃዳ ኦሎና ማላ ኑ ሂንቲና ዋሶስ። 2 ያሳይ፡

«ታ ኔና ሲዓና ዋዴን ሲዓስ፤

ኣቶቲላ ጋላሳን ኔና ማዳስ»

ያጌስ። ሄኮ፣ ታ ሲዒያ ዋዴይ ሃዒ፤ ኣቶቲላ ጋላሳይ ሃቺ።

3 ኦኒካ ኑ ኦሱዋ ቦራና ማላኔ ኑናን ቆቤታና ማላ ኮዮኮ።

4 ጊደሺን፣ ኑ ቱማ ያሳ ኦሳንቸታ ጊዳይሳ ኑ ኦሌያ ኡባባን ቤሲዳ። ዳሮ ገንጫን፣ ዋዴን፣ ማቶን፣ ኡንዓን፣ 5 ጋራፊቲላን፣ ቃሸን፣ ኢዳን ኩሚዳ ዋጫማን፣ ዳቡራን፣ ጳሰኮ ቆዮን፣ ያማን፣

6 ገሻቲላን፣ ኤራቲላን፣ ዳንዳዓን፣ ኬሃቲላን፣ ገሻ ኣያናን፣ ቱማ ሲቆን፣ 7 ቱማ ሃሳያንኒ ያሳ ዋለቃን ኑኒ ኢያ ኦሳንቸታ ጊዳይሳ ቤሲዳ። ቃሲ ዓሎቲላይ ኑስ ቶራኔ ጎንዳሌ። 8 ኑኒ ቦንቼቲዳኔ ቶሽቲዳ፤ ጫዬቲዳኔ ጋላቲቲዳ። ቱማ ሃሳዮስ፣ ሺን ኣሳይ ኑና

ዋርዳንቸ ጊደሶና። 9 ኑ ኣሳን ኤሬቲዳ ኣሲ፣ ሺን ኤሬቶና ኣሳ ማላ ጊዲዳ። ሃይቂዳሶና ያጌቲዳ፣ ሺን ፓፃ ዴዎስ፤ ሾጩቲዳ፣ ሺን ሃይቂባኮ። 10 ኑኒ ኣዛኒኮካ ኡባ ዋዴ ኡፋይቶስ። ኑ ማንቆ ዳናስ፣ ሺን ዳሮ ኣሳ ዱሬዮስ። ቃሲ ኣይኮይካ ባይና ኣሲ ዳናስ፣ ሺን ኡባይ ኑባ።

11 ቆሮንቶሳ ኣሳው፣ ኑ ሂንቲው ቆንጩን ኦዲዳ፤ ኑ ኡሉዋ ሂንቲና ቤሲዳ። 12 ሂንቲ ኑና ሂንቲ ሲቁዋ ቤሶና ዲጊዳታፔ ኣቲን ኑ ኑ ሲቁዋ ሂንቲና ዲጊባኮ። 13 ኣዉ ባ ናይታስ ኦዳይሳዳ ታ ሂንቲው ኦዳይስ፤ ኑ ሂንቲና ኑ ኡሉዋ ቤሲዳይሳዳ፣ ሂንቲካ ሂንቲ ኡሉዋ ኑና ቤሲቲ።

ኣማኖና ኣሳራ ዴዒያ ኢሲፌቲላ ኣጎ

14 ኣማኖና ኣሳራ ቤሶና ኦጌን ዋዳቶፊቲ። ዓሎቲላሲኔ ናጋራስ ኣይቢ ጋሄቲላ ዴዒ? ፖዖሲኔ ቆማስ ኣይቢ ኢሲፌቲላ ዴዒ? 15 ኪሪስቶሳኔ ያላሄ ኢሲፌ ጋሌያባይ ኣይቤ? ቃሲ ኣማኔይሲኔ ኣማኖናይሲ ኢሲፌ ኮዳያባይ ኣይቤ? 16 ያሳ ኬላስ ኤቃታራ ኣይቢ ኢሲፌቲላ ዴዒ? ያሳይ፡

«ታኒ ኤንታ ጊደን ዴዒና፣

ኤንታ ጊደን ሃሙታና።

ታኒ ኤንታ ያሳ ጊዳና፤

ኤንቲካ ታ ኣሴ ጊዳና»

ጊዳይሳዳ፣ ኑኒ ዴዎ ያሳ ኬላ። 17 ሄሳዳካ፣ ጎዳይ፡

6:2 ኣሳ 49:8 6:5 ሃ.ኦ 16:23 6:16 ሉዋ 26:12፤ ሂዝ 37:27፤ 1ቆር 3:16፤ 6:19

«ኤንታ ጊደፌ ሻኬቲዲ ከዪቴ፤
 ቱና ጊዲዳባ ቦቾፊቴ፤
 ታ ሂንቴና ኤካና።
 18 ታ ሂንቴው አዋ ጊዳና፤
 ሂንቴ ታው አዴ ናይታኔ ማጫ ናይታ ጊዳና፤
 ያጌሰ ኡባፌ ዎልቃማ ጎዳይ» ያጌሰ።

7

1 ሂዛ፡ ታ ሲቆቶ፡ ሃ ኡፋይሳይ ኑስ ዴዲያ ጊሾ ኑ አሹዋኔ ኑ ሹምፑዋ ቱኒሲያባ ኡባፌ ኑና ጌሾሰ። ያሳሰ ያዪዲ ኑ ጌሻቴላ ፖሎ ኦሉሰ።

ጳውሎሳ ኡፋይሳ

2 ሂንቴ ኡሉዋ ኑና ቤሲቴ። ኑኒ ኦናካ ናቂቦኮ፤ ኦናካ ቆሂቦኮ፤ ኦናካ ጨሚቦኮ። 3 ታኒ ሂሳ ሂንቴ ቦላ ፒርዳናው ጊኬ። ሃይሳፌ ካሴ ታ ሂንቴው ኦዲዳይሳዳ፡ ሂንቴ ኑ ዎዛናን ዴዴታ፤ ኑ ፓፃ ዴዲንካ ሃይቂንካ ሂንቴፌ ሻኬቶኮ። 4 ታ ኡዲያባ ሂንቴፌ ቆቴኬ፤ ታ ሂንቴናን ጨቁታይሰ፤ ኑ ዋዬ ኡባን ሚኔታይሰ፤ ቃሲ ጌታ ኡፋይሲ ኡፋይታይሰ።

5 ኑኒ ማቄደኒያ ቢዳ ዎዴ ኡባ ባጋራ ዋዬቲዳፔ አቲን ሹምፒቦኮ። ካሬራ ሞርኬታን፡ ኑ ጋላን ያሻን ኡንዔቲዳ።

6 ሺን አዛኒዳይሳታ ሚንጼሌያ ያሳይ፡ ቲቶ ዩሳን ኑና ሚንጼሌሰ።

7 ኑና ሚንጼሌዳይ ቲቶ ዩሳ ፃላላ ጊደናሺን ሂንቴካ ኢያ ሚንጼሌዳይሳና። ሂንቴ ታና ላሞቴይሳ፡ ታው አዛኔይሳኔ ታው ቆፔይሳ ታ ሲዒዳ ዎዴ ታና ዳሮ ኡፋይሲሰ።

8 ታ ዳብዳቤይ ሂንቴና አዛንጺኮካ አይሰ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቴና ጉላ ዎዴሰ አዛንጺዳ ጊሾሳ። 9 ሃዒ ታኒ ኡፋይቲዳይ፡ ታ ሂንቴና አዛንጺዳ ጊሾ ጊደናሺን ሂንቴ አዛናይ ሂንቴና ሂንቴ ናጋራፔ ዛሪዳ ጊሾሳ። ያሳይ ባ ሹኒያዳ ሂንቴና አዛንጺሲፔ አቲን ኑ ሂንቴና አይቢንካ ቆሂቦኮ። 10 ያሳይ ኮያ አዛናይ፡ አቶቴላኮ ጋሌያ ናጋራፔ ሰሞ ኤሂሰ፤ ኢያን ቂርያባይ ባዋ። ሺን ሃ ሳዓ አዛናይ ሃይቆ ኤሂሰ።

11 ሂንቴ አዛናይ ሂንቴናን አይፊሲዳ አይፊያ ቤዒቴ። ሄ አዛናይ ሂንቴና አይ ሚላ ዴንጼሌዳኮ፡ አይ ሚላ ዛሮ ኢማናዳ ጊጊሲዳኮ፡ ሄ ኡራ ቦላ አይ ሚላ ሃንቂሲዳኮ፡ አይ ሚላ ታው ያያና ሚላ

6:17 ኢሳ 52:11 6:18 2ሳሙ 7:14፤ 1ታሪ 17:13፤ ኢሳ 43:6፤ ኤር 31:9
 7:5 2ታሪ 2:13

ኦሊዳኮ፣ አይ ማላ አሞዪዳኮ፣ ሄ ኡራ ሴራናው አይ ማላ ጊጊዳኮ ቤዒቲ። ሃ ኡባባን ሂንቴ ጌሺ ጊዳይሳ ማርካዪዳታ።

12 ሄሳ ጊሾ፣ ታኒ ሃ ዳብዳቢያ ሂንቴው ፃፊዳይ፣ ናቂዳ ኡራ ዋይኮ ናቂቲዳ ኡራ ጊሾ ጊዳና። ሺን ሂንቴ ኮሰ አይ ማላ ቆፒያኮ ያሳ ሲንላን ሂንቴ፣ ሂንቴና ቤዓና ማላ ፃፋሰ። 13 ኑኒ ኡፋይቲዳይ ሄሳ ጊሾሳ። ኑ ኡፋይሳፊ አዲዲ ኑና ዳር ኡፋይሲዳይ፣ ሂንቴ ቲቶ ኡፋይሲዳይሳኔ ኢያ ዋዛና ሸሞፒሲዳይሳ። 14 ታኒ ሂንቴና ናሻዳ ኢያው ኦዲን ሂንቴ ታና ዬላዪቤኬታ። ሺን ኑኒ ኡባ ዋዪ ሂንቴው ቱማ ኦዲዳ፤ ሄሳዳካ ኑኒ ቲቶ ሲንላን ሂንቴና ናሺዳይሲ ቱማ ጊዳሰ። 15 ሂንቴ ኢያው ያሻን ኮሪዳ፣ ኢያ ሞኪዳይሳ ቃሲ ኢያው አይ ማላ ከቴቲዳኮ ኢ ቆፒያ ዋዪ ሂንቴው ዳዒያ ሰቆይ ማኒሽ ቢሰ። 16 ታኒ ኡባባን ሂንቴናን አማኔቲያ ጊሾ ኡፋይታይሰ።

8

አሞባ

1 ኑ አሻቶ፣ ያሳይ ማቆደኒያን ዳዒያ ዋሳ ኬላታሰ አሚዳ አዶ ኬሃቴላ ሂንቴ ኤራና ማላ ኑ ኮዮሰ። 2 ኤንቲ ጊታ ማቶን ፓጩቲዶሶና፣ ሺን ኤንታ ኡፋይሳይ ዋልቃማ። ኤንታ ማንቆቴላሰ ዛቂ ባዋ፣ ሺን ባንታ ኢሙዋን ዳር ኬሂዶሶና። 3 ኤንቲ ባንታ ዋልቃ ማላኔ ባንታ ዋልቃፊ አዴይሳ ዶሲዲ አሚዳይሳሰ ታ ማርካ። 4 ኤንቲ ያሳ አሳ ማዲያ ሎዎ ኑሶ ኑራ ኦላናው ኮዪዲ ኑና ዳር ዋሲዶሶና። 5 ኤንቲ ኑኒ ቆፒዳይሳፊ አሊዲ ኦሊዶሶና። ኮይርቲዲ ባንታና ጎዳሰ አሚዶሶና፤ ካሊዲ፣ ያሳ ሸኔኒያዳ ባንታና ኑሰ አሚዶሶና።

6 ሃ ሎዎ ኦሱዋ ደሚዳ ቲቶይ ጉጁ ኦላናዳኔ ሂንቴና ማዲዳ፣ ሄ ኦሱዋ ፖሊሳናዳ ኢያ ዋሲዳ። 7 ሺን ሂንቴ ኡባባን፣ አማኖን፣ ሃሳያን፣ ኤራቴላን፣ ጊታ አሞን፣ ኑና ሲቆኒኔ ኡባባን ዲሬቲዳይሳዳ ሃ ሎዎ ኦሱዋንካ ሂንቴ ኬሃ ጊዳና ማላ ኑ ኮዮሰ።

8 ታኒ ሄሳ ኪታናው ጊኬ። ሺን ሃራታ ጊታ አሙዋ ሂንቴ ሰቆዋራ ጋላ ቤዓዳ ሂንቴ አይ ኬና ቱሜኮ ኤራናው ጋይሰ። 9 ሂንቴ ኑ ጎዳ ዬሱሰ ኪሪሰቶሳ አዶ ኬሃቴላ ኤሬታ። ኪሪሰቶሲ ዲሬ ጊዲ ኡቲዳ፣ ሂንቴ ኢያ ማንቆቴላን ዲሬታናዳ ሂንቴ ጊሾ ማንቁሰ።

10 ታኒ ሃ ኦዳን ሂንቴና ማዲያ ዘሬ ዘራናው ኮያይሰ። ሂንቴ ዘላይሲ እማናው ፃላላ ጊደናሺን ሄሳ ኦፋናው አሞቴላንካ ሂንቴ ኮይሮ። 11 ሂንቴ ኦፋናው ደሚዳ ኦሱቀ ሃዒ ፖሊቴ። ሂንቴ ሂንቴው ደዔይሳ ኮና ኢሚኮ፣ ሄሲ ሂንቴ እማናው ዳሮ አሞቴይሳ ቆንጨሴሰ። 12 ኢሲ ኢሲ እማናው አሞቴኮ፣ ኢያ አሞይ ያሳ ሲንላን ኤኬቴይ፣ ኢ ዓው ደዒዳይሳ ኮና ኢሚናፔ ኣትን ባይናባፔ እማናው ኡንዔቴን ጊዳና።

13 ታኒ ሄሳ ጌይ፣ ሂንቴ ኡባይ ኢሲ ገና ጊዳና ማላሳፌ ኣትን ሃራቲ ቀያፔ ሺምፒን ሂንቴ ቀይታና ማላሳ ጊዳና። 14 ዋዴ ኤንታ ፓላሃይ ሂንቴ ፓጫ ኩንላና ማላ ሃዒ ሂንቴ ፓላሃይ ኤንታ ፓጫ ኩንላ። ሄሳን ሂንቴ ገና ጊዳና። 15 ጌሻ ማፃፋን፣ «ዳሮ ሺሺዳይሳሰ ፓላሂቤና፤ ጉላ ሺሺዳይሳሰ ፓጨቤና» ጌቴቴ ፃፌቴዳይሳ ማላ።

ቲቶኔ ኢያ ላጌታ

16 ኦ ሂንቴው ቆፔይሳዳ ቲቶይካ ሂንቴው ቆፓና ማላ ኦሲዳ ያሳይ ጋላቴቶ። 17 ቲቶይ ሂንቴኮ ቢዳይ፣ ኦ ኢያ ዴንጴሊዳ ጊሾ ፃላላ ጊደናሺን ኢ ባ ሺኔን ባናው አሞቴዳ ጊሾሳ። 18 ዋንጌላ ማርካቴላን ዋሳ ኬላ ኡባን ዳሮ ኤሬቴዳ ኢሻ፣ ኦኒ ቲቶራ ኢሲፌ ከቶሰ። 19 ሄሳ ቦላ ኦኒ ሃ ኬሃ ኢሞታ ኤፊያ ዋዴ ኦራ ባና ማላ ሃ ሎዎ ኦሱቀን ጎዳ ቦንቻናዉኔ ሃራታ ማዳናው ደዒያ አሙቀ ቤሳናው ኢ ዋሳ ኬላታን ደሬቴሰ።

20 ሃ ኢሚቴዳ ኬሃ ኢሙቀ፣ ኦ ኦሶ ቦላ ፔሺያ ዋዴ ቦሬቶና ማላ ናጌቶሰ። 21 ኦኒ ጎዳ ሲንላን ፃላላ ጊደናሺን ኣሳ ሲንላንካ ሎዎ ጊዲዳባ ኦላሰ።

22 ቃሲ ዳሮ ዋዴ ፓጨን ሚኒዲ ኣጲዳ ኦ ኢሻ፣ ኤንታራ ሂንቴኮ ከቲዳ። ኢ ሂንቴናን ኬሂ ኣማኔቴያ ጊሾ ሃዒ ሂንቴና ማዳናው ዳሮ አሞቴሰ። 23 ቲቶባ ኤራናው ኮይኮ፣ ኢ ሂንቴና ማዳናው ታራ ኦሲያ ታ ኦሶ ላጊያ። ሃንኮ ኢሻታባ ጊዲኮ ዋሳ ኬላቲ ከቲዳይሳታ፤ ቃሲ ኣሳይ ኤንታ ዲሳ ቤዒዲ ከሪሰቶሳ ቦንቻሶና። 24 ሄሳ ጊሾ፣ ዋሳ ኬላቲ ሂንቴ ሲቁዋኔ ኦ ሂንቴና ናሺይሲ ቱማ ጊዳይሳ ቆንጨሳናው ሂንቴ ሲቁዋ ሃ ኣሳታ ቤሲቴ።

9

እማኒያ ኣሳሰ ኬሲዳ ሚሺያ

1 አማኒያ አሳስ ከሲያ ሚሺያባ ታ ሂንቴው ፃፋናው ኮሼና።
 2 ሂንቴ ማዳናው ከሂ አሞቴይሳ ታ ኤራይስ። ሂንቴ አካያ አሳይ።
 ዘላይላፊ ደሚዲ ማዳናው ገቢተዳይሳ ታኒ ማቄዲያ አሳስ ደና
 ከንጎሳዳ ኦዲስ። ሂንቴ ገታ አሞይካ ኤንታፊ ዳርታ ዴንጼሊስ።
 3 ሃ ኦሱዋን ሂንቴናን ኑ ጩቄቴያ ጩቆይ ሃዳ ገደና ሜላ
 ኮይር ሂንቴባ ታ ኦዲዳይሳዳ ሂንቴ ገቢተዲ ናጋና ሜላ ሃ አሻታ
 ሂንቴኮ ከታስ። 4 ማቄዲያ አሳይ ታራ ቢዲ፣ ሂንቴ ገቤቶና
 ዴዲሺን፣ ዴሚኮ፣ ኑ ሂንቴናን ዬላታና፤ ቃሲ ሂንቴ ኑፔ አቶ
 ዬላታና። 5 ሄሳ ገሾ፣ ሃ አሻቲ ታፔ ሲንሳተዲ ሂንቴኮ ቢዲ፣
 ሂንቴ አማና ገዳ አሙዋ ካሴተዲ ገቢሳና ሜላ ታ ኤንታና
 ከታስ። ታኒ ጋኪያ ዋዴ ሄ አሞይ ገቢ ኡቴስ። ሄ ዋዴ ሄ ከሃቴላ
 አሞይ ዋልቃን ገደናሺን ደሳን ገዴይሳ ኤሪሴስ።

6 ሃይሳ አኬኪቴ፤ ጉሉ ዜሪዳይ ጉሉ ጫካና፤ ዳር ዜሪዳይ ዳር
 ጫካና። 7 ያሳይ ኡፋይሳን አሚያ ኡራ ደሲያ ገሾ ዋልቃን ዋይኮ
 ደሲ ባይና ገደናሺን ኢሲ ኢሲ አሲ ባ ዋዛናን ቆፒዳይሳዳ
 ደሳን አማናው ቤሴስ። 8 ኡባ ዋዴ ኡባባን ኮሺያባ ኡባ ዴሚዲ
 ሎጆ ኦሶ ኡባ ኦሳናው ዳንዳናና ሜላ ያሳይ ሂንቴው ባ አንጂዋ
 ዳርሳና። 9 ጌሻ ማፃፋን።

«ኢ ባ ሻሉዋ ማንቆታስ ላሊስ፤

ኢያ ዲሎቴላይ ማሪናው ዴዳና»
 ያጌስ። 10 ዜሪይሳስ ዜሪላ፣ ማናው ካሊ አሚያ ጎዳይ፣ ሂንቴ
 ዜሪያ ዜሪላ ዳርሲዲ አማና። ሂንቴ ዲሎቴላ አይፊያካ ዳርሳና።

11 ዳር አሳይ ሂንቴ አሚያ አሙዋ ኑፔ ኤኪዲ፣ ያሳ ጋላታናዳ፣
 ሂንቴ ኡባ ዋዴ ዳርሲዲ አሚይሳታ ገደና ሜላ ያሳይ ሂንቴና ኡባ
 ባጋራ ዲሬያና። 12 ሃ ሂንቴ አሚያ አሞይ አማኒያ አሳ ፓጫ ኩንሶ
 ፃላላ ገደናሺን አሳይ ያሳ ጋላታናው ጋሶ ገዴስ። 13 ሃ ሂንቴ
 ኦሶይ ሂንቴ አማኑዋ ኤርሲዲ ከሪሰቶሳ ዋንጌላ ሂንቴ አማኒዲኔ
 ኢያው ከቴተዲ ሂንቴው ዴዲያባ ኤንታራኔ ሃራታራ ሻኬተዳ ገሾ
 ኡባይ ያሳ ቦንቻና። 14 ያሳይ ሂንቴው አሚዳ አቶ ከሃቴላ ገሾ
 ኤንቲ ሂንቴው ያሳ ዋሲሽ ሂንቴና ቤዳናው ላሞቶሶና። 15 ዛዋ
 ባይና ያሳ አሙዋስ ያሳይ ጋላቴቶ።

10

ጳውሎሲ ሞቴይሳታስ ዛሪዳ ዛሩዋ

9:9 ማዘ 112:9 9:10 ኢሳ 55:10

1 ታ ሂንቴራ ዳዲያ ዎዴ ሹሳ፣ ቃሲ ሂንቴፌ ሃኪያ ዎዴ ኑ ቦላ ሚኔስ ያጌቴዳ፣ ጳውሎሲ፣ ኬሃኔ አሸኬ ጊዲዳ ኪሪሰቶሳ ሱንላን ሂንቴና ዎሳይሰ። 2 ታኒ ሂንቴኮ ቢያ ዎዴ ኑ አሸ ቆፋራ ሲሜሬቴያ አሲ ኦሊዲ ቆጥያ አሳ ቦላ ሚኖ ቃላን ኦዴታናው ቆፋ ቃቻሰ። ሂንቴ ቦላ ሃሳዳ ኦዴታና ማላ ሂንቴ ታና ኦሳናዳ ሂንቴና ዎሳይሰ። 3 ኑኒ ሃ ሳዓን ዳዲኮካ ሃ ሳዓ አሳዳ ኦሊቶኮ። 4 ኑ ኦላ ሚሽይ ሃ ሳዓይሳ ጊዳና። ሺን ሚፃ ላላናው ዎልቃራ ዳዲያ ያሳ ቶራ። ቱማራ ኤቁቴያ ፓላማኔ፣ 5 ያሳ ኤርና ማላ ዲጊያ ኦቶሮ ቆፋ ኡባ ላሎሰ። አሳ ቆፋ ኡባ ዲዲዲ ኪሪሰቶሳሰ ከቴታና ማላ ኦሳሰ። 6 ሂንቴ ኪቴቴላይ ፖሎ ጊዲያ ዎዴ ኑኒ ኪቴቴላ ኢያ ኡባ ሴራናው ጌጌታና።

7 ሂንቴ አይፌይ ቤዲዳ ማላ ፒርዴታ። ኦኒካ ባና ኪሪሰቶሳባ ጊዲ ቆጥያባ ጊዲኮ፣ ኑኪ ኪሪሰቶሳባ ጊዳይሳ ኤር። 8 ጎዳይ ታው አሚዳ ማታን ጨቁቴኮካ ሃሳን ዩላቲኬ። ሄ ማታይ ታው አሚቴዳይ ሂንቴና ዲቻናሳፌ አቲን ቆሃናሳ ጊዳና። 9 ታኒ ታ ዳብዳቢያን ሂንቴና ያሺሳናው ኮያዳ ያፊዳባ ዳናፖ። 10 ኢሲ ኢሲ አሳይ፣ «ጳውሎሳ ዳብዳቤይ ዳዎኔ ዎልቃማ፣ ሺን ኢያ ሶምዎን ቤዲያ ዎዴ ኢ ዳቡራንቸ፤ ኢያ ኦዳይካ ፓሌና» ያጎሳና። 11 ሄ አሳቲ ኑ ሃሆን ዳዲሽ ያፊያ ዳብዳቢያንኔ ማታን ሂንቴራ ዳዲሽ ኦሊያ ኦሱዎ ጊዲን ዲማቴሊ ባይናይሳ አኬኮ።

12 ኑኒ ባንታና ናሺያ አሳታራ ኑና ገናያናው ዎይኮ ጋዴያናው ኮዮኮ። ሺን ኤንቲ ባንታና ባንታራ ገናዪዲ ዎይኮ ጋዴዪዲ ቤዲሽ ኤያ።

13 ሺን ኑኒ ያሳይ ኑሰ አሚዳ ቆሳን ጨቁቶሲፔ አቲን ዛዋ ፒኒዲ ጨቁቶኮ፤ ሄ ዛዋይ ሂንቴኮካ ጋኬሰ። 14 ኑኒ ቤሴይሳፌ ኦሊዲ ጨቁቶኮ፣ ሺን ኪሪሰቶሳ ዎንጌላ ሂንቴኮ ጋሊዳይሳን ጨቁቶሰ። 15 ኑኒ ያሳይ ኤሲዳ ዛዋፔ ፒኒዲ፣ ሃራቲ ኦሊዳ ኦሶን ጨቁቶኮ። ጊዳሺን፣ ሂንቴ አማኖይ ዲጫና ማላ ያሳይ አሚዳ ዛዋን ሂንቴ ጊዲን ኑ ኦሊያ ኦሶይ ዳልጋና ጊዲ ቆፖሰ። 16 ኑኒ ሃራ ኢሲ ባ ዛዋን ኦሊዳ ኦሶን ጌሊዲ ጨቁቶኮ፣ ሺን ሂንቴፌ ፒኒዲ ሃራታሰ ዎንጌላ ማርካታናው ዳንዳሰሰ። 17 ሺን፣ ጌሻ ማፃፋን፣ «ጨቁያ ኡባይ ጎዳ ሎዎቴላን ጨቆ» ያጊዲ ያፊቲሰ።

18 ጎዳይ ናሺያ ኡራፔ አቲን ባና ባው ናሺያ ኡራይ ናሺቴና።

11

ጳውሎስን ዋርዳንቸ ሃዋሬታ

1 ታ ጉላ ኤያቴላ ሂንቴ ሃዲካ ዳንዳዓና ጋዳ ቆገይሰ፤ ሃያና ዳንዳዒቴ። 2 ያሳይ ሂንቴው ቆገዳይሰሳዳ፣ ታካ ሂንቴው ቆገይሰ። ታኒ ሂንቴና ጌሻ ጌላዒዳ ኢሲ ኣዲያ፣ ኪሪሰቶሳሰ ኢማናው ኦይቻ ዋሳሰ።

3 ሺን ሸሻይ ባ ጌኒያን ሄዋኖ ባሌዲይሳዳ ኦኒ ኤሪ ሂንቴ ዋዛናይ ኢቲዲ ኪሪሰቶሳሰ ዳዒያ ሂንቴ ሱሬቴላኔ ጌሻቴላ ኣጋንዴቲ ጋዳ ሂርጋይሰ። 4 ኢሲ ኣሲ ዪዲ፣ ኦኒ ሂንቴው ማርካቲዳ ዩሱሳፕ ሃራ ዩሱሳ ሂንቴው ማርካቲኮ፣ ዋይኮ ሂንቴ ኤኪዳ ኣያናፕኔ ዋንጌላፕ ሃራ ኣያናኔ ዋንጌላ ሂንቴው ኦዲኮ፣ ሲዒ ጊዲ ኤኬታ።

5 ሺን ታኒ ዩሱሰ ኪቲዳ «ጊታ ሃዋሬታቴ» ጉፃይሰ ጋዳ ቆገኬ። 6 ታኒ ኦዳ ኤርና ኣሲ ጊዲኮካ፣ ኤራቴሌ ታው ዳዒሰ። ሄሳ ታ ሂንቴው ዳር ኦጌን ቆንጨሳሰ።

7 ታኒ ሚሼ ኦይቸና ያሳ ዋንጌላ ሂንቴው ጮ ኦዲዳይሲኔ ሂንቴና ቶቁ ኦላዳ ታና ቶቸዳይሲ ታው ናጋራ ጊዲ? 8 ታኒ ሂንቴው ኦላናው ሃራ ዋሳ ኬላታፕ ሚሼ ቦንቃ ኤካሰ። 9 ታ ሂንቴራ ዳዒያ ዋዴ ታና ማቲንካ ሂንቴፊ ኢሲ ኣሲካ ዋይሳቢኬ። ማቀዲያፕ ዪዳ ኣማኔይሳቲ ታና ኮሺያባ ኡባን ማዲዶሶና። ሃቸ ጋካናው ታ ሂንቴው ቶሆ ጊዳቢኬ ሲንላሰካ ቶሆ ጊዲኬ።

10 ኪሪሰቶሳ ቱማቴላይ ታናን ዳዒሺን፣ ታ ጩቁዋ ኣካያ ቢታን ታና ኦኒካ ዲጌና። 11 ታ ሃይሳ ኣይሰ ጋይና? ሂንቴና ዶሶና ጊሸሴዬ? ታኒ ሂንቴና ዶሴይሳ ያሳይ ኤሪሰ።

12 «ኦካ ሂንቴ ማላ ኦሶሰ» ያጊዲ ጩቁያ ሃንኮ ሃዋሬታ ጩቁዋ ጋሱዋ ቆይሳናው ሃዒ ታ ኦሌይሳ ሲንላሰካ ኦላና።

13 ሃይሳ ማላ ኣሳቲ ኪሪሰቶሳ ሃዋሬ ዳናናው ባንታና ላሚያ ዋርዳንቸ ሃዋሬታኔ ጨሚያ ኦሳንቸታ። 14 ሄሲ ማላሊሲያባ ጊዳና፤ ኣይሰ ጊኮ፣ ፃላሄይ ፖዖ ኪታንቸ ዳናናው ባና ላሚሰ። 15 ሄሳ ጊሸ፣ ፃላሄ ኦሳንቸቲ ፃሎቴላ ኦሳንቸታ ዳናናው ባንታና ላሚኮ ሄሲ ጊታባ ጊዳና። ኤንቲ ዉርሴላን ባንታ ኦሱዋዳ ኤካና።

ጳውሎስ ጋኪዳ ማቲዋ

16 ኦኒካ ታና ኤያ ጊዲ ቆፖና ማላ ዛራዳካ ኦዳይሰ። ታ ሂንቴው ኤያ ዳኒኮካ ታ ጉላራ ጩቁታና ማላ ታና ኤያ ኦሌዲ ኤኪቴ። 17 ታኒ ሃይሳዳ ጩቁታዳ ኦዴቴይ፣ ጎዳይ ኮዬይሳዳ ጊዳናሺን ኤያቴላን ኦዳይሰ። 18 ዳር ኣሳይ ሃ ሳባባን ጩቁቲያ

ጊሾ ታካ ጨቁታና። 19 ሂንቴ ዋዛናማ ጊዲያ ጊሾ ኤያ አሳባ ኡፋይሳን ዳንዳዔታ። 20 ኦኒካ ሂንቴና ኣይሌይኮ ዋይኮ ሂንቴና ቦንቁኮ ዋይኮ ባው ማዳታናው ሂንቴኮ ሸቁኮ ዋይኮ ሂንቴ ቦላ ኡቶርቲኮ ዋይኮ ሂንቴና ባቁኮ ሂንቴ ዳንዳዔታ። 21 ኦኒ ሄሳ ኦፋናው ዳሮ ዳቡራንቾ ጊዳይሳ ዩላታሼ ታ ኦዳይሰ።

ሺን ኦኒካ ሚኒዲ ጨቁቲኮ፣ ታካ ጨቁታናው ማናይሰ። ታኒ ሄሳ ኤያ አሳዳ ኡዳታይሰ። 22 ኤንቲ ኢብራዌ? ታካ ኢብራዌ። ኤንቲ ኢሰራዔል? ታካ ኢሰራዔል። ኤንቲ ኣብራሃሜ ሹሹ? ታካ ኣብራሃሜ ሹሹ። 23 ኤንቲ ኪሪሰቶሳ ኦሳናቾ? ታኒ ጎሻ አሳዳ ኡዳይሰ፣ ኤንታፊ ኣዲያ ኪሪሰቶሳ ኦሳንቾ። ታኒ ኦሶን ዳሮ ዳቡራሰ፤ ዳሮ ዋዳ ቃሼታሰ፤ ጋራፊታሰ፤ ዳሮ ዋዳ ሃይቆፔ ኣታሰ።

24 ኣይሁዳቲ ታና ሃሰታማኔ ኡዱፋና ኢቻሹ ቶሆ ጋራፊደሶና።

25 ሄቹ ቶሆ ፃሞዓን ሾጩታሰ፤ ኢሲ ቶሆ ሹቻን ጫዳታሰ፤ ማርካቤይ ሄቹ ቶሆ ማዲሰ፤ አባ ጊደን ኢሲ ቃማ ኩማሊ ኣቃዳ ፔዓሰ። 26 ታኒ ዳሮ ኦጊያ ዳቡራን ሃሙታሰ። ኪፃ ሃላፊኔ ፓንጋፊ ኣታሰ። ኣይሁዳቲኔ ኣይሁዳ ጊደና አሳይ ታ ቦላ ማቶ ጋሊደሶና። ካታማይ፣ ባዘይ፣ አባይ፣ ታና ያሹሰ፤ ኣማኒያ ዳኒያ አሳቲ ታና ዋይሲደሶና። 27 ታኒ ኦሶን ዳቡራሲኔ ጫዋታሰ፣ ዳሮ ቶሆ ዲሰኮ ዲያሰ፣ ኮሻታሰ፣ ሳሞታሰ፣ ዳሮ ቶሆ ፆማሰ፣ ማጌታሰ፣ ካሎታሰ።

28 ሃራባ ኡባ ታይቦና ኡባ ዋዳ ታና ቆፊሴይ ዋሳ ኬላታባ።

29 ኢሲ አሲ ዳቡሪያ ዋዳ ኢያራ ታ ዳቡራቢኪና? ኢሲ አሲ ናጋራን ዱቤቲያ ዋዳ ታ ኣዉዳ ቂሮቶና ኣጋዲና?

30 ታ ጨቁታናው ኮሺያባ ጊዲኮ ታኒ ዳቡራንቾ ጊዳይሳ ኤሪሲያባን ጨቁታና። 31 ማሪናው ቦንቼቲዳ ፆሳይ፣ ኑ ጎዳ ዩሱሰ ኪሪሰቶሳ ኣዋይ፣ ታ ዋርዶቶናይሳ ኤሬሰ። 32 ዳማሰቆ ካታማን ኣሬታሳ ጊያ ካዉዋፔ ጋርሳራ ሃሬይሲ ታና ኦይፋናው ኮዪዲ ዳማሰቆ ካታማ ፔንጊያ ናጊሲሰ። 33 ሺን ኣሳይ ታና ዳቾን ዩጊዲ፣ ካታማ ዲርሳ ማሰኩቲያራ ዋዲሲን ታኒ ኢያ ኮሺያፔ ኣታሰ።

12

ጳውሎሳ ቆንጩፋ

11:23 ሃ.ኦ 16:23 11:24 ዛሬ 25:3 11:25 ሃ.ኦ 16:22፤ 14:19
11:26 ሃ.ኦ 9:23፤ 14:15 11:32 ሃ.ኦ 9:23-25

16 ገዲኮካ፣ ታ ሂንቴው ቶሆ ገዲኬ፤ ዋይሳቢኬ፤ ሺን ሂንቴና ጨሞኒኔ ጌኔን ኦይኪዳባ ሂንቴው ዳኖና ኣጌና። 17 ሃሪ ኣቶሺን፣ ታ ሂንቴኮ ከቲዳ ኣሳታፔ ሂንቴና ጨሚዳ ኣሲ ዳዒ? 18 ቲቶይ ሂንቴኮ ባና ማላ ታኒ ዋሳሰ፤ ቃሲ ኣማኒያ ኢሻካ ኢያራ ዬዳሰ። ያቲን፣ ቲቶይ ሂንቴና ጨሚዳ? ኮኒ ኑ ኦሱዋ ኢሲ ኣያናን ኦሊቦኮ? ቃሲ ኑ ሃኖይካ ኢሲኖ ገዴይ?

19 ኑ ኡባ ዋዴ ሂንቴ ሲንላን ኑና ዲሊሳናው ሞቲቲያባ ሂንቴው ዳኒ? ኑ ከሪሰቶሳን ዳዒዲ ያሳ ሲንላን ሃዒ ጋካናው ኑደሰ። ኑ ሲቆ ኢሻቶ፣ ኑ ሃ ኡባ ኦሌይ ሂንቴና ዲቻናሳ። 20 ታ ሂንቴኮ ቢያ ዋዴ ኦኒ ኤሪ ሂንቴ ታ ኮዬይሳዳ ሃኖና፣ ቃሲ ታካ ሂንቴ ኮዬይሳዳ ሃኖና ጋሃቶና ኣጎኮ ጋዳ ያያይሰ። ቃሲ ኦኒ ኤሪ ሂንቴ ገደን ፓላሚ፣ ቃናቲይ፣ ሃንቆይ፣ ዪቁይ፣ ዘገርሰ፣ ኣሳ ሱንሉ ኢሶይ፣ ኦቶሮይኔ ካቺ ዶና ኣጌና ጋዳ ያያይሰ። 21 ታኒ ናምዓንሉ ሂንቴኮ ቢያ ዋዴ ያሳይ ሂንቴ ሲንላን ታና ካዉሻና ጋዳ ያያይሰ። ካሴ ናጋራ ኦሊዲ ሄ ባንታ ኦሊዲ ቲናቲላፊ፣ ላይማቲላፊኔ ዬላያ ኦሱዋፔ ሲሚቦና ኣሳታ ቤዓዳ ኣዛኖና ኣገኬ ጋዳ ያያይሰ።

13

ወርሴሳ ዞሬኔ ሳርሶ

1 ታ ሂንቴኮ ቢሺን ሃይሲ ሄሻንሉ። ኣይ ሞቶይካ ናምዑ ዋይኮ ሄሹ ማርካን ሚኔሰ። 2 ታኒ ናምዓንሉ ሂንቴራ ጋሃቲዳ ዋዴ ሂንቴ ገደን ካሴ ናጋራ ኦሊዲ ኡራኔ ሃራታ ኡባ ሴሮና ኣገኬ ጋዳ ኦዳ ዋሳሰ። ሃዒ ታ ሃካዳ ዳዒኮካ ሲማዳ ሂንቴኮ ቢያ ዋዴ ኦዴሰካ ቃዴቲኬ።

3 ታናን ዳዒዲ ኦዴይ ከሪሰቶሳ ገዴይሳ ሂንቴ ኤራናው ኮዬታ። ኢ ሂንቴራ ሃሳያ ዋዴ ዋልቃማፔ ኣቲን ሂንቴ ገደን ዳቡራንቾ ገዴና። 4 ከሪሰቶሲ ማስቃሊያ ቦላ ዳቡራን ካቲቲሰ፣ ሺን ያሳ ዋልቃን ዳዩን ዳዔሰ። ኢ ዳቡራንቾ ገዴዳይሳዳ፣ ኑካ ዳቡራንቾ። ሺን ሂንቴና ሃጋዛናው ያሳ ዋልቃን ኢያራ ዳዩን ዳና።

5 ኣማኖን ሚኒዲ ዳዒያኮ ሂንቴና ሂንቴው ፓጨ ቤዒቲ። ፓጨን ሂንቴ ኩንዶና ኣቲኮ፣ ከሪሰቶሲ ሂንቴናን ዳዒይሳ ሂንቴ ኤሬታ። ሺን ከሪሰቶሲ ሂንቴናን ዶና ኢዲኮ ሂንቴ ኩንዴታ። 6 ኮኒ ፓጨን ኩንዶናይሳ ሂንቴ ኤሬታ ጋዳ ኣማናይሰ።

7 ሂንቴ ኢታባ ኦሉና ማላ ኮኒ ያሳ ዋሶሰ። ኮኒ ሚኖ ገዴይሳ ኣሳይ ቤዓና ማላ ገደናሺን ኮኒ ሚኖ ገደና ኢዲኮካ፣ ሂንቴ ሎዖ ኦሉና ማላ ኮኒ ዋሶሰ። 8 ኮኒ ቱማሰ ኦሉሲፔ ኣቲን ቱማራ

ኤቄቲያባ አይባካ አለኩ። 9 ኑ ዳቡሪያ ዎዴ ሂንቴ ቃሲ ሚኒያ ዎዴ ኑና ኡፋይሴሴ። ሂንቴ ቦሬይ ባይናይሳታ ጊዳና ሜላ ኑ ሂንቴው ያሳ ዎሶሰ።

10 ታኒ ሂንቴፊ ሃካዳ ዴባሼ ፃፊዳይ ሄሳ ጊሾሳ። ታኒ ሂንቴኮ ቢያ ዎዴ ጎዳይ ታው ኢሚዳ ማታን ዘሞፓዳ ሂንቴ ቦላ ጎዳታናው ኮዪኬ። ጎዳይ ታው ማታ ኢሚዳይ፣ ሂንቴና ማዳናሳፊ አቲን ቆሃናሳ ጊዴና።

11 ዉርሴላን ታ ኢሻቶ፣ ሳር ዴባቴ። ቦሬይ ባይና ዴባቴ፤ ታ ዘሪያ ሰባቴ። ኢሲ ዎዛናን ጊዲዲ ዴባቴ፤ ሳርቴላን ዴባቴ። ሲቆኔ ሳር ኢሚያ ያሳይ ሂንቴራ ጊዶ።

12 ጌሻ ዬሬቴላ ዬሬቴሼ፣ ኢሶይ ኢሱዋ ሳርሊቴ። 13 ያሳ አሳ ኡባይ ሂንቴና ሳር ሳር ያጎሶና።

14 ጎዳ ዬሱሰ ኪሪሰቶሳ አጾ ኬሃቴላይ፣ ያሳ ሲቆይ፣ ጌሻ አያና ኢሲፊቴላይ ሂንቴ ኡባራ ጊዶ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5